

12) Can che più tart el Zerilo 'l me à 'ncombenzà de meter xu en campo piante de nosha flora da stilizar per la Scòla e ènce per ilustrar i elemenc del cors de architettura, giù è cognù tòr fòra xu dal Vito en pöc de sföes da desegn.

Ma per i retrac' dei vèlges e de le vèlge pödeve dorar darta da pach, e chela me la toleve fòra a mie spese xa la coperativa. I retrac' i doxeva se vir per el cors de fegura dal vero, che dapò no l e più stat accrenzà.

El prim che è tot xu l e stat el Meneghin Manocia de 96 ègn. Subit dò è tot xu le velgia Nuc'. Morta chela, el più vèlge de Moena l era un da Sameda. Me è ciapà su la carta da pach e sù sa Sameda. Ma ge à mencià pöch che no l brancasse.

La Orsolina figòla la e stata più morbia con me, e coshita ènce 'l vèlge Zoprian, el Ciòl del Smit, el Nicolò Felizon, el Stèfen Tea, el Luigiol de Penia la Rachele del Viloto, Tutol, el Borcan del Giochin e la Orsolina Cica.

Dapò son xit xal Forn a tor xu la Pelonia dei Ciaodami, e la Livele, tal Mash el Francesco Pontore e sò femena, la Irene dei Molineri, sun Penia el stèfen e na sò fiöla, el Xan e sò femena, sa Poza Paol de Patèch, ta Sorèga na femena e söve fiöle, xa pardac' el Liza Brunet e 'l Xanet Coronzin, sa no el Mario del Xanolin, mishionare tel Braxile.

Còme che la e xita dapò i lo sa duc'. Ma chest che ve è contà noj che nol saveade e chel che ve die adess amò de manco.

Dal '47 encà è fat mingol de strada ènce tel retrat. Chigiù can che i veg a se far tor xu, enveze che me le molar i paia. Però no i se contents de carta da pach: i vül taula o tela.

Chi da Moena fac' siègn su la carta da pach i conserve semper te mio stu die a Genova.

Se sa ben chencol passar dei ègn (catòrdesh per la precixion) la carta da pach la diventa zala. E na sera 'l an passà, mewsau no me sàutelomo tel ciau de viventar en pöch chele fegure da Moena, ma 'nveze che 'ncolorir i mush, ge è metù 'ntorn en sfon de bianch.

Rùa doi profeshoreshe de l'Academia de Genova, e a veder sti cadres le me domanda: - Come fa Lei a otteneré la bella tinta di quelle fàcce? -

-E' un mio segreto, ge è responù.

Per voiautres enveze l e la carta da pach.

La cartp da pach